

समां - 12:25 hrs.

< > < > < > < > < > < > < > < > < > < >

LG- AI

उपराज्यपाल मनोज सिन्हा होरें आखेआ ऐ जे Artificial Intelligence शिक्षा, रोजगार ते अर्थ-बवस्था च बदलाव आना रदी ऐ ते एदे राएं मनुक्खी सभ्यता च इक नमें दौर दी शुरुआत होआ रदी ऐ। एह गल्ल उपराज्यपाल होरें Dr. Suresh Awasthi Memorial Lecture श्रृंखला च AI दे खरे ते माड़े असर बारे दिते गेदे मुख भाषण च आक्खी। उ'नें आखेआ जे Artificial Intelligence स्हाड़े जीवन दा अहम हिस्सा बनी चुकी दी ऐ। एह घरें, स्कूलें, अस्पतालें ते सरकारी सरिस्ते च भूमिका निभाने दे कन्नो-कन्नी सेहत सरबन्धी दिक्ख-भाल, राई-बाई ते शिक्षा च बी बेहतरी आना रदी ऐ। उपराज्यपाल होरे आखेआ जे AI गी पूरी संवेदनशील ते लम्मी अवधि आहले नजरिए मूजब अपनाना लोड़चदा। उ'नें आखेआ जे भारत दी सग्गो-सार विरासत विज्ञान ते नैतिक मुल्लें गी किट्ठे चलना सखांदी ऐ तांजे पूरा-पराता ते जिम्मेदारी कन्नै विकास यकीनी बनी सकै।

<><><><><><>

Itoo Placement

जम्मू-कश्मीर सरकार नै 786 Assistant Professorएं Librarianएं ते PT Instructorएं गी तरक्की देने आहली कारवाई गी मंजूरी दिती ऐ जिंदी तनखाह दा ग्रेड 7 जहार रपे होग। एह सारी कारवाई Career Advancement Scheme तैहत कीती गई ऐ। शिक्षा मंत्री स्कीना इत्तू

होरें आखेआ जे हाल दे बरे च कीती गेदी प्रमोशनें सरबंधि एह सब्बनें थमां बड्डी प्रक्रिया ऐ। इस फैसले कन्ने लम्में चिरें थमां बकाया पेदे मामलें हल होडन। मंत्री होरें समें-सिर तरक्की, पारदर्शिता ते उच्च शिक्षा गी केन्द्र शासित प्रदेश च मज़बूत करने आहले धेइये गी बी फीह पक्का कीता।

<><><><><><>

Amarnath Yatra 15th Batch

श्री अमरनाथ जी दी यात्रा पर औने आहलें श्रद्धालुएं दा जोश बरोबर बने दा ऐ ते यात्रा शुरु होने दे 12एं दिनें च गै पवित्र गुफा च मत्था टेकने आले श्रद्धालुएं दा आंकड़ा 3 लकख गी पार करी गेदा ऐ।

तोंआई श्री अमरनाथ जी श्रद्धालुएं दा 15मां जत्था अज्ज बड्डलै सख्त सुरक्षा बंदोबस्तें हेठ जम्मू दे भगवती नगर “यात्री निवास” आधार शिविर थमां कश्मीर घाटी लेई रवाना होआ। अज्ज रवाना होए दे इस जत्थे च कुल 5 ज्हार 201 श्रद्धालू न, जेहड़े जेड़े 191 गड्डियें दे काफिले च सोआर होइयै घाटी लेई रवाना होए । इंदे चा 1 ज्हार 745 श्रद्धालु बालटल लेई ते 3 ज्हार 456 श्रद्धालू पैहलगाम लेई रवाना होए न । इस जत्थे च कुल 3 ज्हार 970 मर्द, 1 ज्हार 124 महिलां, 5 बच्चे, 92 साधु, 9 साध्वियां ते इक ट्रांसजेंडर श्रद्धालु शामिल ऐ।

<><><><><><>

Leather Consignment UK

भारत ते ब्रिटेन बशकार व्यापक आर्थिक ते बपार समझौते दे तौले गै लागू होने दे मददेनजर कल जम्मू थमां चमड़ा उत्पादें दी इक खेप गी ब्रिटेन रवाना कीता गेआ ऐ। इसी DGFT, RA जम्मू विवेक कुमार सभरवाल होरें टकोदे तौर पर जम्मू खिते दे निर्यातकें गी इस समझौते करी थहोने आले मौकें पर लोs पाई। उ'नें आखेआ जे भारत-ब्रिटेन व्यापक आर्थिक ते बपार समझौते तैहत निर्यातकें गी चमड़े, कपड़े, राई-बाई, फार्मा ते MSME उत्पादें पर कोई कस्टम ड्यूटी नैई देनी पौग। उ'नें आखेआ जे एहदे नै ब्रिटेन दे बजारे च भारती समेयान दी होर मती उपलब्धता जकीनी बनोग।

<><><><><><>

N. Army Cmdr Basantgarh

उत्तरी कमान प्रमुख लैफ्टिनेंट जरनल प्रतीक शर्मा होरें बसंतगढ़ दा दौरा लाया ते मौजूदा सुरक्षा स्थिति ते बलें दिएं तयारिं दा जायजा लैता। अपने दौरे दौरान उ'नें मौजूदा सुरक्षा स्थिति बारे अधिकारिं कन्नै चर्चा बी कीती। इस दौरान उनें'गी ताजा हालात दा पूरा ब्यौरा दिता गेआ। उ'नें निगरानी बनाई रखखने, सर्तकता बरतने ते आपूं-च नेइमा तालमेल बनाइयै कम्म करने पर ज़ोर पाया। उ'नें राष्ट्र विरोधी तत्वे थमां सौहगे-सर्तक रौहने लेई बी आखेआ। इससै दौरान जम्मू-कश्मीर पुलस दे DGP Nalin प्रभात होरें श्रीनगर च Cargo Complex दा दौरा लाया ते विशेष कारवाई समूह दी तयारिं दा जायजा लैता। उ'नें उत्थे तैनात बलें कन्नै बी गल्लबात कीती। इस मौके पर IGP कश्मीर ज़ोन V.K. Birdi ते पुलस

दे होर दुए वरिष्ठ अधिकारी बी उन्दे कन्नै मौजूद हे। अपने दौरे दौरान उ'ने पूरी-पराती सुरक्षा तयारिएं ते उत्थे कम्म करने आहले हालात बारे बी जायजा लैता।

<><><><><><>

Weather

मौसम विभाग नै कल्लै तगर जम्मू-कश्मीर च मौसम गर्म ते गुम्मे आहला बने रौहने दी पेशगोई कीती ऐ। 18 थमां 20 जुलाई तगर प्रदेश दी केई थाहरें पर बरखा ते गरज-चमक कन्नै बौछार पेई सकदी ऐ। मौसम विभाग नै इस दौरान चान-चक्क हाड़ औने, ल्हास-पस्सियां पौने बारे चेतावनी जारी कीती ऐ खास करी चनाव घाटी ते पीर-पंजाल आहले इलाकें च लोकें गी सौहगा ते सर्तक रौहने लेई आखेआ गेआ ऐ। खास करी उ'ने इलाकें च जित्थे ल्हास-पस्सियां पौने ते हाड़ औने दी शेंका बनी दी रौहन्दी ऐ।

<><><><><><>

Adv. Announcement

आकाशवाणी जम्मू दे प्रादेशिक समाचार एकांश ने प्हाड़ी भाशा लेई कैजुअल न्यूजरीडर-कम-ट्रांसलेटर ते स्टेनोग्राफर दे पैनल च शामिल होने लेई जम्मू-कश्मीर दे रौहने आहले 21 शा 50 बरें धोड़ी दी उम्मी दे इच्छुक मेदवारें कोला दरख्वास्तां मंगियां न।

कैजुअल न्यूजरीडर-कम-ट्रांसलेटर लेई घट्टोघट्ट योग्यता कुसै मान्यता हासल यूनिवर्सिटी थमां ग्रेजुएशन ते प्हाड़ी भाशा दी शैल जानकारी दा होना ऐ। न्यूजरीडर लेई (प्रसारण लेई मुआफक) खरी अवाज दा बी होना जरूरी ऐ।

स्टेनोग्राफर लेई, घट्टोघट्ट योग्यता कुसै मान्यता हासल एजुकेशन बोर्ड थमां 12मीं पास होना ते प्हाड़ी भाशा च खरी जानकारी दा होना ऐ। कन्नै गै, कम्प्यूटर पर प्हाड़ी भाशा च टाइपिंग दी स्पीड 25 कोला 40 लफ़्ज़ फी मिनट होनी लोड़चदी ऐ।

आवेदन दी हार्ड कॉपी 'हेड ऑफ न्यूज, रीजनल न्यूज यूनिट, आकाशवाणी, पंजतीर्थी जम्मू पिनकोड-180001'दे दफ्तरै च (दस्ती) जमा करोआनी होग। एहदे कन्नै सब्बै जरूरी दस्तावेज ते आवेदन शुल्क बी होना चाहिदा (जेहड़ा वापस नेई होग)। सामान्य श्रेणी दे मेदवारें लेई एह शुल्क 355 रपे ते एस.सी/एस.टी/ओ.बी.सी मेदवारें लेई 265 रपे (18 फीसद जी.एस.टी सने) ऐ।

एह शुल्क प्रसार भारती, आकाशवाणी, जम्मू दे बैंक खाता नंबर 10582387126(एस.बी.आई मेन ब्रांच, हरि मार्केट, जम्मू) च ऑनलाइन जमा कीता जाई सकदा ऐ। आई.एफ.एस.सी कोड: SBIN0000657 ऐ। शुल्क जमा करने दे बाद मिले दे स्क्रीनशॉट दा प्रिंटआउट जां ऑनलाइन पेमेंट/ट्रांजैक्शन आई.डी, आवेदन दे कन्नै जरूर

होनी लोड़चदी। आवेदन करने दी खीरी तरीक 19 जुलाई 2026 (ऐतवार) ऐ। मती जानकारी टेलीफोन नंबर 0191-2546658 ते 9697177241 पर लैती जाई सकदी ऐ। तफसीली इश्तेहार ते आवेदन फॉर्म साढ़ी वेबसाइट www.newsonair.gov.in पर होमपेज दे अखीरै च 'Vacancies' आइकन पर उपलब्ध ऐ।

<><><><><><>